

# 卷一百一十二



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百一十二  
 內容分類 史 政書 歷代通制  
 索書號 貴重-17  
 編號 B3510400

杜氏通典卷第二十五

職官七

諸卿上 總論諸卿  
 諸卿下 附

奉禮郎 主簿 博士 太祝  
 太樂署 鼓吹署 兩京郊社署  
 太卜 廩犧 汾祠 太醫署

太樂署 主簿 掌醢署 太官署 珍羞署  
 太卜 主簿 太官署 珍羞署

良醞署 主簿 掌醢署 太官署 珍羞署  
 良醞署 主簿 掌醢署 太官署 珍羞署

守宮署 主簿 武庫署 武器署  
 守宮署 主簿 武庫署 武器署

諸陵署 主簿 崇玄署 左右都候  
 諸陵署 主簿 崇玄署 左右都候

典牧署 主簿 乘黃署 典廐署  
 典牧署 主簿 乘黃署 典廐署

正牧署 主簿 乘黃署 典廐署  
 正牧署 主簿 乘黃署 典廐署

司直 評事 監獄丞 諸牧監  
 司直 評事 監獄丞 諸牧監

彩色首頁1

東洋文化研究所漢籍目錄 編號: B3510400  
 東洋文化研究所漢籍目錄所藏漢籍善本文影像資料庫 索書號: 貴重-17  
 漢籍善本文影像資料庫文本杜氏通典二百卷 嘉靖十八年西樵方獻夫刊本  
 版權所有: 東京大學 東洋文化研究所  
 使用上的注意事項

獻司祿祝文曰玄英紀時歲事云畢聿遵典故脩其  
常祀飲福及行事  
如風師之儀

杜氏通典卷第一百十一終

杜氏通典卷第一百一十二

禮七十二吉四 纂類七  
太唐開元禮七

皇帝夏至日祭方丘后土同 孟冬祭神州  
及攝事並附

齋戒陳設  
奠玉帛  
省牲器

鑾駕出宮

鑾駕還宮祭五岳  
進熟

四海四瀆  
四鎮

皇帝夏至日祭方丘

齋戒

前祭七日戒誓皇帝服袞冕前祭二日太尉告高祖

神堯皇帝廟如常告之儀告以配  
神作主孟冬祭神州則告

太宗文武聖皇帝廟餘並如圓丘之儀

陳設

前祭三日尚舍直長施大次於外壝東門之外道北

南向攝事衛尉設祭官公卿以下尚舍奉御鋪御座次於東壝外壝南北向西上

衛尉設文武侍臣次於大次之後文官在左武官在

右俱南向設祭官次於東壝之外道南北向西上三

師於南壝之外道東諸王於三師之南俱西向北上

文官九品以上於祭官之東北向西上介公鄴公於

南壝之外道西東向諸州使人東方南方於諸王東

南西向西方北方於介公鄴公西南東向皆北上諸

國之客東方南方於諸州使人之南西向西方北方

於諸州使人之南東向皆北上武官三品以下七品

以上於西壝之外道南北向東上其褒聖侯於文官三品以下攝事無

御座以下至此儀設陳饌幔於內壝東門西門之外道北面

南向壇上及神州東方南方之饌陳於東門外西向西方北方之饌陳於西門外東向神州無西門

饌前祭二日太樂令設宮懸之樂於壇南內壝之外

樹靈鼓於北懸之內道之左右餘如圓丘儀又為瘞

埴於壇之壬地內壝之外方深取足容物南出陛前

祭一日奉禮設御位攝事無御位於壇之東南西向設望

燎位於壇西南當燎埴北向設祭官公卿位於內壝

東門之外道南分獻官於公卿之南執事者位於其

後每等異位俱重行西向北上設御史位於壇上正

位於東南隅西向副位於西南隅東向設奉禮位於

樂懸東北贊者二人在南差退俱西向北上設奉禮

贊者位於瘞埴西南東向南上設協律郎位於壇上  
南陛之西東向設太樂令位於北懸之間當壇北向  
設從祭之官三師位於懸南道東諸王位於三師之  
東俱北向西上介公鄫公位於道西北向東上文官  
從一品以下九品以上位於執事之南每等異位重  
行西向武官三品以下九品以上位於西上文官每  
等異位重行東向皆北上諸州使人位東方南方於  
諸王東南重行北面西上西方北方於介公鄫公西  
南重行北面東上設諸國客使位於內壝南門之外  
東方南方於諸州使人之東每國異位重行北面西  
上西方北方諸州使人之西每國異位重行北面東

攝事無三師以下至此儀設門外位祭官公卿以下皆於東壝  
之外道南每等異位重行北面西上三師位於南壝  
之外道東諸王於三師之南俱西向介公鄫公於道  
西東向皆北上文官從一品以下九品以上位於東  
壝之外祭官之南每等異位重行北面西上武官三  
品以下九品以上位於西壝之外道南每等異位重  
行北面東上諸州使人位東方南方於諸王東南重  
行西面西方北方於介公鄫公西南重行東面俱北  
上設諸國客位東方南方於諸州使人之南每國異  
位重行西面西方北方於諸州使人之南每國異位  
重行東面俱皆北上攝事無三師以下至此儀牲牷於東壝之外

當門西向黃牲一居前又黃牲一在北少退玄牲一  
 在南少退設廩犧令位於牲西南祝史陪其後俱北  
 向設諸太祝位於牲東各當牲後祝史陪其後俱西  
 向設太常卿省牲位於牲前近北南向設皇地祇酒  
 罇於壇之上下太罇二著罇二犧罇二壘一在壇上  
 東南隅北向象罇二壘罇二山壘一在壇下皆於南  
 陛之東北向俱西上設配帝著罇二犧罇二象罇二  
 壘一在壇上皆於皇地祇酒罇之東北向西上孟冬  
酒罇於神州酒罇神州太罇二在第二等每方嶽鎮  
之東如夏至之儀海瀆俱山罇二山川林澤俱蠶罇二丘陵墳衍原隰  
 俱概罇二凡罇各設於神座之左而右向神州以上  
之樽置於



站以下之罇俱藉以席皆加勺幕設罇於罇下設御  
孟冬儀壇上之罇置於坵壇下之罇藉以席洗及設玉幣之筐等並如圓丘儀孟冬祭日未明  
 刻太史令郊社令各服其服帥其屬升設皇地祇神  
 座於壇上北方南向席以藁秸設高祖神堯皇帝神  
 座孟冬神州則設太宗文武聖皇帝神座於東方西向席以莞設神州  
 地祇神座於第一等東南方席以藁秸又設嶽鎮海  
 瀆以下之座於內壇之內各於其方皆有原隰丘陵  
 墳衍之座又設中嶽以下之座於壇之西南俱內向  
 自神州以下六十八位席皆以莞設神位各於座首

省牲器如別儀

壘駕出宮如圓丘之儀

奠玉帛

祭日未明三刻諸祭官各服其服郊社令良醞令各

帥其屬入實罇壘玉幣凡六罇之次太罇為上實以

罇次之實以益齊象罇次之實以醴齊壺罇次之實

以沈齊山壘為下實以三酒配帝著罇為上實以沈

齊犧罇次之實以醴齊象罇次之實以益齊以上孟

冬同神州太罇實以沈齊五方岳鎮海瀆之山罇實

以醴齊山川林澤之屋罇實以沈齊丘陵以下之散

罇實以清酒玄酒各實於諸齊之上罇禮神之玉帛

地祗以黃琮其幣以黃帝配之幣亦如之神州之玉

以兩圭有邱其幣以玄孟冬同嶽瀆以下之幣各從

方太官令帥進饌者其實饌及禮官就位御史太祝

行掃除等並如圓丘儀孟冬駕將至謁者贊引各引

祭官從祭官客使等俱就門外位駕至大次門外廻

輅南向將畢降立於輅左侍中進當鑿駕前跪奏稱

侍中臣某言請降跪俛伏興還侍位五品以上從祭

之官皆就壇外位攝事無駕至大樂師令帥工人二

舞次入就位文舞入陳於懸內武舞立於懸南道西

謁者引司空入行掃除訖出復位皇帝停大次半刻

頃謁者贊引各引祝官通事舍人分引從祀羣官介

公鄼公諸方客使皆先入就位太常博士引太常卿

立於大次門外當門北向侍中版奏外辦皇帝服衮

冕孟冬神州大裘而冕出次華蓋侍衛如常儀侍中負寶博士陪從如式博士引太常卿太常卿引皇帝至中壇門外殿中監進大珪尚衣奉御又以鎮珪授殿中監皇帝摺大珪執鎮珪華蓋伏衛停於門外侍者從入謁者引禮部尚書

太常少卿陪從如常儀皇帝至版位太常卿請再拜  
及請行事並如圓丘儀攝事如圓丘攝事儀協律郎舉麾工鼓  
祝奏順和之樂乃以林鍾為宮太簇為角姑洗為徵  
南呂為羽作文武之舞樂舞八成林鍾太簇姑洗偃南呂皆再成  
麾戛故樂止太常卿前奏稱請再拜退復位皇帝再  
拜奉禮曰衆官再拜在位者皆再拜皇帝奠玉幣及  
奏樂之節並如圓丘攝事則太尉奠玉帛下放此登歌作肅和之  
樂以應鍾之均太常卿引皇帝進北向跪奠於皇地  
祗孟冬神州神座俛伏興及奠配座並如圓丘儀攝事同

進熟

皇帝既升奠玉幣太官令陳饌之儀如圓丘俎初入  
門奏雍和之樂以太簇之均自後接神之樂用太簇饌至陞樂  
止祝史俱進跪徹毛血之豆降自東陞以出皇地祗饌升  
自南陞配帝之饌升自東陞神州之饌升自北陞孟冬神州升自南陞諸太祝迎引於  
壇上各設於神座前設訖謁者引司徒太官令帥進  
饌者降自東陞以出司徒復位諸太祝還罇所又進  
設嶽鎮以下之饌相次而畢太常卿引皇帝詣壘洗  
樂作其盥洗爵獻跪奠奏樂之儀並如圓丘攝事如  
事太祝持版進於神座之右東向跪讀祝文曰維某  
年歲次月朔日子嗣天子臣某攝則云謹遣太祝敢昭  
告于皇地祗乾道運行日躔北至景風應序離氣效

時嘉承至和肅若舊典故以玉帛犧齊粢盛庶品備  
 茲祗瘞式表誠慤高祖神堯皇帝配神作主尚饗太  
 祝俛伏興孟冬神州云包函區夏載植羣生溥被域  
 中賴茲厚德式遵彝典用此元辰敬以玉  
 帛犧齊粢盛庶品明獻厥誠備茲祗  
 瘞皇祖太宗文武聖皇帝配神作主皇帝再拜攝則  
 太尉  
 再初讀祝文訖樂作太祝進跪奠版於神座興還罇  
 所皇帝拜訖樂止太常引皇帝詣配帝酒罇所執罇  
 者舉冪侍中取爵於坫進皇帝受爵侍中贊酌沈齊  
 訖樂作太常卿引皇帝進高祖神堯皇帝神座前東  
 向立奠爵俛伏興太常卿引皇帝少退東向立樂止  
 太祝持版進於神座之左北向跪讀祝文曰某年歲  
 次月朔日子孝孫開元神武皇帝臣某敢昭告于高



祖神堯皇帝時維夏至肅敬訓典用祗祭于皇地祇  
 惟高祖德叶二儀道兼三統禮膺光配敢率舊章孟冬

云皇會祖太宗文武聖皇帝德被乾  
 坤格于上下昭配之儀欽率舊章謹以制幣犧齊

粢盛庶品肅雍明薦作主侑神尚饗太祝俛伏興皇

帝再拜初讀祝文訖樂作太祝進奠版於神座興還

罇所皇帝飲福受胙及亞獻終獻盥洗爵獻飲福並

如圓丘儀唯皇地祇大尉亞獻酌醴齊時  
 武舞作合六律六同為異耳初太尉將

升獻贊者一人引獻官詣壘洗盥洗匏爵訖升自己

陛詣酒罇所執罇者舉冪酌洗齊進奠於神州座前

引降醴醢非蔬鹿醢芹菹筭菹兔醢魚醢  
 菜醢豚柏若土無者各以類克之凡祭官各

服其服三品毳冕四品繡冕五品玄冕六品  
 以下爵弁若有二品以下各衣令岳令瀆



令帥其屬入詣壇東陞升設岳神瀆神座於壇上近

北面南向席以莞又實罇壘及玉凡罇一實醴齊一

其玄酒各實於上罇祝版置於坵岳令瀆令又以幣

置於筐齋即以豆血皆設於饌所其幣長丈八贊唱

者先入就位祝與執罇壘者入當壇南重行南面

以西為上立定贊唱者曰再拜祝以下俱再拜執罇

者升自東陞立於罇所執壘筐者各就位祝詣壇東

陞升行掃除於上降行掃除於下讀則掃除各就

位質明贊禮者引祭官以下俱就門外立定一刻頃

贊唱者曰再拜在位者皆再拜贊禮者進初獻之左

白有司謹具請行事退復位贊唱者曰再拜在位者

皆再拜祝跪取玉幣於筐興立於罇所凡取物者皆

以與奠物奠訖掌饌者帥齋郎奉饌陳於東門之外

贊禮者引初獻詣壇升自南陞進神座前北向立祝

以玉幣東向進初獻受玉幣還罇所贊禮者引初獻

進北向跪奠於神座與少退北向再拜贊禮者引初

獻降還本位掌饌者引饌入升自南陞祝迎引於壇

上設於神座前掌饌者帥齋郎降自東陞復位祝還

罇所贊禮者引初獻詣壘盥洗手洗爵升自南陞詣

酒罇所執罇者舉幕初獻酌醴齊贊禮者引初進詣

神座前北向跪奠爵與少退北向立祝持版進於神

座之右東面跪讀祝文曰維某年歲次月朔日子嗣

天子其謹遣某官某敢昭告于東岳岱宗惟神贊養

萬品作鎮一方式因春始南岳云夏始中岳云季夏西岳云秋始北岳云冬始

謹以玉帛犧齊粢盛庶品朝薦于東岳岱宗尚饗○

東瀆大淮惟神源流深泌潛潤溥洽阜成百穀流滌

三川青春伊始用遵典秩○南瀆大江云惟神總合

大川朝宗巨海功昭潤化德表靈長敬用夏有脩其

常典○西瀆大河云惟神上通雲漢光啓圖書分導

九枝旁潤千里素秋戒序用率常典○北瀆大濟云

惟神泉源清潔浸彼遐遠播通四氣作紀一方文冬

肇節聿脩典制訖興初獻再拜祝進奠版於神座還

罇所以爵酌清酒進初獻之右西向立初獻再拜受

酌跪祭酒啐酒奠爵祝率齋郎以俎進臧神座前

肉前脚第二郎共置一俎上以授初獻受以授齋郎

初獻跪取爵遂飲卒爵祝進受爵復於坫初獻興再

拜贊禮者引初獻降復位於初獻飲福酒贊禮者引

亞獻詣壘洗手洗爵升自東陞詣罇所執罇者舉

幕亞獻酌盞齊贊禮者引亞獻詣神座前北面跪奠

爵興少退北面再拜祝以爵酌清酒進於亞獻之右

西向立亞獻再拜受爵跪祭酒遂飲卒爵祝受虛爵

復於坫亞獻興再拜贊者引亞獻降復位初亞獻將

畢贊禮者引終獻盥洗升獻引飲福如亞獻之儀訖

贊禮者引終獻降復位祝進神座前徹豆還罇所贊

唱者曰再拜非飲福受胙者皆再拜獻官以下皆再拜贊禮者進初獻之左白請就望瘞位贊唱者引初獻就望瘞位西向立於獻官將拜岳令進神座跪取幣齋郎以俎載牲體黍稷飯詣瘞培以饌物置於培祭海瀆獻官拜訖瀆令及齋郎以幣血沉於瀆瀆令退就位東西廂各二人寘土半培贊者進初獻之左白禮畢遂引初獻以下出祝與執罇壘篚幕者俱復執事位立定贊唱者曰再拜再拜訖遂出祝版燔於齋所

杜氏通典卷第一百二十二終

杜氏通典卷第一百二十三

禮七十二古五 纂類八 大唐開元禮八

皇帝仲春仲秋上戊祭大社攝事附

齋戒 陳設 鑿駕還宮 鑿駕出宮 奠玉帛 進熟 變駕還宮 季冬、稽太社

皇帝仲春仲秋上戊祭大社攝事附

齋戒如前祭方丘儀

陳設

前祭三日尚舍直長施大次於社宮西門之外道北南向尚舍奉御鋪御座衛尉設文武侍臣次於大次之後文官在左武官在右俱南向設諸次祭官於齋坊之內攝事無設大次儀 但守臣設祭官次三師於北門之外諸王於